




REPUBLIKA E KOSOVËS - REPUBLIKA KOSOVA
KOMUNA VUSHTRRI – OPSTINA VUCITRN



Duke vendosur në çështjen administrative, sipas Kërkesës për Rishqyrtim të subjektit në procedurë: Grupit të O.E. NPSH “ Bageri “ me seli në Ferizaj, Autoriteti Kontraktues – Drejtoria Komunale për Prokurim Publik e Komunës së Vushtrrisë, pas mbajtjes së seancës jo publike të shqyrtimit të kërkesës të subjektit në fjalë, në bazë të nenit 108/A pika 6 lidhur me pikën 10 paragrafi 10.1 të Ligjit për Prokurimin Publik në Kosovë nr. 04/L-042 i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, më datën 19.02.2021, merr këtë:

V E N D I M

- 1. Refuzohet si e pabazë** Kërkesa për rishqyrtimin lidhur me Njoftimin Letër për Tenderuesin e eliminuar të subjektit në procedurë: Grupit të O.E. NPSH “ Bageri “ me seli në Ferizaj, me seli në Ferizaj, në procedurën e prokurimit me titull: “ Asfaltimi i rrugëve lokale në fshatra sipas Lot. 1 dhe 2 “ Lot. 2 – Asfaltimi i rrugëve lokale në 14 fshatra , Nr.i prokurimit: VU644 – 20 – 4423 – 5-1-1 e Nr. i brendshëm: 644-20-050-511.
- 2. Vërtetohet si i bazuar** Vendimi i Autoritetit Kontraktues – Drejtorisë Komunale për Prokurim Publik për vazhdimin e aktivitetit në bazë të Njoftimit mbi Vendimin e Autoritetit Kontraktues të dt. 12.02.2021.

A r s y e t i m

Autoriteti Kontraktues – Drejtoria Komunale për Prokurim Publik (në tekstin e mëtejme A.K.) bazuar në Vendimin e OSHP-së nr. 872-879/20 dt. 10.12.2020 për zbatim të procesit të Rivlerësimit të lëndës : **Asfaltimi i rrugëve lokale në fshatra sipas Lot. 1 dhe 2 si dhe në bazë të rezultatis nga procesi i Ri-vlerësimit të tenderëve ka marrë vendim që për dhënie të kontratës ta rekomandoi, si vijon :**

- **Lot. 1 – Asfaltimi i rrugëve lokale në 13 fshatra, Grupin e OE.: “ Haxhi Zenullahi B.I.” & “ Mirusha Company “sh.p.k. me seli në Skenderaj dhe**
- **Lot. 2 - Asfaltimi i rrugëve lokale në 14 fshatra, Grupin e OE.: “ Haxhi Zenullahi B.I.” & “ Mirusha Company “sh.p.k. me seli në Skenderaj**

ndërsa, tenderin e Grupit të O.E.: NPSH “ Bageri “ me seli në Ferizaj, me seli në Ferizaj (në tekstin e mëtejme Ankuesin) ta refuzoi si të papërgjegjshëm , bazuar në procedurën e zbatuar.

Njoftimi mbi Vendimin e A.K. si dhe Njoftimi letër për tenderuesin e eliminuar për Ankuesin janë dërguar për publikim në platformën elektronike më dt. **12.02.2021**, bazuar në dispozitat e nenit 43 të Rregullores mbi Rregullat dhe Udhëzuesin Operativ për Prokurimin Publik.

Në Kërkesën për rishqyrtim, Ankuesi konsideron se A.K. duke vendosur si në Vendimin e dt. 13.10.2020 ka shkelur dispozitat e LPP-së , konkretisht: nenin1 – Qëllimi i Ligjit, nenin 6 – Ekonomiciteti dhe efikasiteti, nenin 7 – Barazia dhe Trajtimi, nenin 59 – Ekzaminimi, vlerësimi dhe krahasimi i tenderëve, nenin 61 – Tenderi me çmime Jo-Normalisht i ulët, nenin 69 – aftësia teknike dhe / ose profesionale si dhe nenin 39 të RUOPP-së.

Autoriteti Kontraktues pasi i ri-shqyrtoi një nga një pretendimet e Ankuesit të parashtruara në Kërkesë për Rishqyrtim dhe vlerësimit të provave në shkresat e lëndës, gjeti se Kërkesa e Ankuesit është e pabazë , për arsye se:

1. Procedura është zhvilluar bazuar në dispozitat e Ligjit për Prokurimin Publik në Kosovë nr. 04/L-042 i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092. Neni 33 paragrafi 1 (Procedurë e Hapur) ka pasur për qëllim promovimin e transparencës, neni 60 paragrafi 1 pika 1.1 (**tenderi i përgjegjshëm me çmimin më të ulët**) ka pasur për qëllim që bazuar në të gjeturat dhe rezultatet nga procesi i ekzaminimi dhe vlerësimi të tenderëve të vendosë për dhënie të kontratës O.E. me **tenderin e përgjegjshëm me çmimin më të ulët**.
2. Më tej A.K. konstaton se nuk ka shkelje dhe / ose zbatim të gabuar dispozitave të nenit 59 të LPP-së sepse gjatë gjithë procesit të Ekzaminimit, Vlerësimit dhe Krahimit të tenderëve A.K. i ka kushtuar vëmendje të veçantë zbatimit të saktë dhe të drejtë të dispozitave të LPP-së.
3. Mbi këtë bazë A.K. vlerëson se Vendimi i A.K. i dt. 12.02.2021 është marrë bazuar në kushtet , rregullat dhe procedurën e përcaktuar ligjore të LPP-së, vendimi, sikurse ka vlerësuar A.K., është i mbështetur mbi baza ligjore e faktike, i pandikuar, që nuk diskriminon dhe që ka një transparencë të lartë të vendimmarrjes dhe po ashtu duke zbatuar kërkesat procedurale dhe qenësore të dispozitave të LPP-së.
4. Në fund A.K. vlerëson se me rastin e marrjes së vendimit për të përzgjedhur për rekomandim me dhënie të kontratës të Grupin e O.E.: “ **Haxhi Zenullahi B.I.** ” & “ **Mirusha Company “ sh.p.k. me seli në Skenderaj** ” nuk ka elemente apo prova se janë shkelur dispozitat e cituara si më lartë në këtë Vendim, konkretisht neni 7 – Barazia në trajtim/ Jo - diskriminimi sepse është rekomanduar O.E. me tender të përgjegjshëm dhe me çmimin më të ulët ndërsa me asnjë provë nuk është vërtetuar se Ankuesi është trajtuar Jo-barabar apo mënyrë diskriminuese, nuk është vërtetuar se nuk ka pasur transparencë apo konkurrencë në mes O.E., neni 51 – Njoftimi i kriterëve të dhënies së kontratës dhe neni 59 parag.4 – Ekzaminimi, vlerësimi dhe krahasimi i tenderëve, andaj edhe pretendimet e Ankuesit lidhur me këto çështje, sikurse ka konstatuar dhe sqaruar A.K., janë të pabaza, jo të sakta dhe si të tilla janë hedhur poshtë, ndërsa për sa i përket pretendimeve të Ankuesit lidhur me kriteret në Aneks 7, A.K. vlerësoi se si çështjet këto ndryshime janë minore dhe nuk ndikojnë në ecurinë e punës në realizimin e projektit.

Nga sa u tha më lartë, e në përputhje me nenin 108/A pika 10 paragrafi 10.1 të LPP-së A.K. vlerëson se nuk ka asnjë arsye të vendosë ndryshme nga ajo që është thënë si më lartë, andaj u vendos si në dispozitiv të këtij vendimi.

Autoriteti Kontraktues – Drejtoria Komunale për Prokurim Publik
K.R. nr. 050/2020 - datë 19/02/2021

Drejtoria për Prokurim Publik

Amir Haradinaj, ZPP



Vendimi i dërgohet:

1. 1x Palës;
2. 1 x DKP;
3. 1 x Arkivit (1 kopje).